

**BOSNA I HERCEGOVINE  
FEDERACIJA BOSNE I HERCEGOVINE  
ZENIČKO – DOBOJSKI KANTON  
GRAD ZENICA**

**OBRADIVAČ: Služba za vodoprivredu, putnu infrastrukturu  
i mjesne zajednice**

**IZVJEŠTAJ O RADU  
SAVJETA I POVJERENIKA MJESNIH ZAJEDNICA U 2022. GODINI**

**Zenica, maj 2023. godine**

## **I – Uvod**

Prema odredbi člana 77. Statuta Grada Zenica savjet mjesne zajednice (u daljem tekstu MZ) za svoj rad odgovara Gradskom vijeću kome obavezno podnosi godišnji izvještaj o radu. Izvještaj o radu za period 2022 godine podnijele su 74 mjesne zajednice.

Ovaj izvještaj generalno sadrži podatke o organima MZ, prostorima i aktivnostima MZ.

Radi preglednosti pripremljen je sažetak izvještaja o radu savjeta MZ, koji sadrži podatke o broju održanih sjednica, donesenih akata i najvažnije aktivnosti koje su vođene u ovom izvještajnom periodu. U pregledu su navedene i aktivnosti povjerenika, a koji vrše funkciju savjeta shodno odredbama Odluke o organizaciji mjesne samouprave, a na osnovu rješenja o imenovanju za povjerenika, koji donosi Gradonačelnik. U periodu od 1.11. do 24.11.2021. godine, održani su izbori za članove savjeta mjesnih zajednica na području Grada Zenica, a s obzirom na to da su tehničke i organizacione pripreme za održavanje izbora započele još krajem 2021. godine, te da je Vijeće Grada Zenica na 17. sjednici Gradskog vijeća, održanoj 04.01.2022. godine donijelo Odluku o potvrđivanju rezultata izbora za članove savjeta mjesnih zajednica na području Grada Zenica, u ovom izvještajnom periodu razmatra se rad novoizabranih organa MZ i njihove aktivnosti.

Izbori su održani u 50 MZ, od toga u 43 MZ utvrđeni su rezultati izbora za članove savjeta i potvrđeni na navedenoj sjednici Gradskog vijeća. U tri (3) MZ nije bilo predloženih kandidata, a u dvadeset i jednoj (21) MZ nije bio dovoljan broj kandidata da se formiraju savjeti, tako da u ovim MZ nije ni provedena procedura izbora, dok u sedam (7) MZ nisu utvrđivani rezultati izbora zbog toga što je izlaznost građana bila manja od 10 % birača upisanih u izvod iz Centralnog biračkog spiska za MZ, te je Gradonačelnik, shodno Odluci Gradskog vijeća, imenovao povjerenike u istim MZ.

## **II - Organi MZ**

Na području Grada Zenice postoje 74 MZ. Organi MZ su: savjet MZ kao organ odlučivanja i konsultovanja o pitanjima koja su od neposrednog interesa za građane i predsjednik MZ, kao kandidat s liste izbora članova savjeta s najvećim brojem osvojenih glasova, koji je po funkciji predsjednik savjeta. Rad organa mjesnih zajednica zasnovan je na volonterskoj osnovi te su funkcije predsjednika i članova savjeta MZ počasne.

Savjeti MZ imaju od 5 do 11 članova, ovisno o broju stanovnika mjesne zajednice.

Devet MZ broji 5 članova savjeta, 22 MZ - 6 članova savjeta, 6 MZ – 7 članova savjeta, dok po 2 MZ broje 9 i 10 članova savjeta i jedna MZ 10 članova savjeta. Najbrojnija MZ je Klopče i njen savjet broji 11 članova. Ukupan broj članova savjeta za 43 MZ iznosi 276, od kojih je 241 član muškarac, dok je 35 žena članica. U ostalih 31 MZ, imenovani su povjerenici, a koji vrše funkciju savjeta shodno odredbama Odluke o organizaciji mjesne samouprave, a na osnovu rješenja o imenovanju za povjerenika, koji donosi Gradonačelnik.

Odredbom člana 73. Statuta Grada Zenica utvrđeno je da u slučaju prestanka mandata članu savjeta prije vremena za koje je biran, Gradsko vijeće dodjeljuje mandat sljedećem kandidatu sa izborne liste sa najvećim brojem glasova. U toku 2022. godine Vijeće je dodijelilo mandate novom predsjedniku u MZ Jastrebac, dok su rješenjem Gradonačelnika u mjesnim zajednicama Blatuši i Raspotočju imenovani novi povjerenici MZ.

### III – Prostori MZ

Većina prostora za rad organa MZ se nalazi u stambeno - poslovnim zgradama ili u sklopu društvenih domova.

Od ukupno 74 mjesne zajednice, šest mjesnih zajednica nemaju prostorije za rad, a to su: Dobriljeno, Sebuje, Vukotići, Vrselje, Osredak-Gradina, Zahići-Živkovići i Varda. Prostori koje koriste MZ Bilimišće i Vražale su devastirani i potrebno ih je sanirati. Ostale mjesne zajednice imaju prostorije za rad koje su u dobrom ili zadovoljavajućem stanju.

U izvještajnom periodu obavljeni su radovi na sanaciji, odnosno uređenju prostorija (ugradnja stolarije, sanacija krovova, sanitarnih čvorova, postavljanje oluka, krečenje i farbanje) sljedećih MZ: Jastrebac, Seoci, Gornja Zenica, Donja Vraca, Puhovac, dok je kompletna adaptacija društvenih domova mjesnih zajednica izvršena u MZ Gorica i Drivuša, a u MZ Lukovo Polje je u 2022. godini završena izgradnja društvenog doma.

Sredstva za plaćanje troškova komunalnih usluga, nabavke kancelarijskog materijala i inventara obezbjeđuju se u Budžetu Grada i plaćaju se putem jedinstvenog trezorskog računa.

### IV - Aktivnosti MZ

U izvještajnom periodu savjeti i povjerenici svih mjesnih zajednica su obavljali sljedeće redovne aktivnosti:

- Održane su konstituirajuće sjednice novih saziva savjeta u periodu januar-februar 2022. godine, na kojima su izabrani zamjenici predsjednika savjeta, usvojeni statuti MZ, i to u 43 mjesne zajednice za koje su potvrđeni rezultati izbora.
- Izvršena primopredaja pečata MZ i ključeva prostorija koje koriste organi MZ (za 68 MZ) između dosadašnjih i novoizabranih predsjednika, odnosno povjerenika, dok su povjerenici u urbanim MZ održali sastanke sa predstavnicima kućnih (etažnih) savjeta.
- Savjeti MZ su u okviru svog rada održavali sjednice savjeta MZ, od kojih je ukupno u svim MZ na području Grada održano 265 sjednica savjeta MZ, na kojima je raspravljano o 1312 tačaka dnevnog reda, dok su povjerenici, na osnovu sastanaka sa mještanima, te pojedinačnih usmenih i pisanih zahtjeva mještana MZ, upućivali zahtjeve prema nadležnim organima.
- U svim MZ koji se vodom snabdjevaju iz lokalnih vodovoda održani su zborovi građana na kojima su izabrani članovi Odbora za upravljanje i održavanje vodovoda.
- Od strane savjeta MZ upućeno je 745 zahtjeva, dok su povjerenici tokom 2022. godine podnijeli 439 zahtjeva prema nadležnim organima.
- Odziv članova savjeta sastancima MZ na području Grada bio je zadovoljavajući, a na istima je doneseno 112 odluka.
- Izvršen je popis inventara mjesnih zajednica sa stanjem na dan 31.12.2022.godine, za sve mjesne zajednice.
- Prisustvo jednodnevnoj edukaciji novoizabranih predsjednika MZ, kao i povjerenika, te predsjednika odbora za vodu u sali Gradskog vijeća o Odluci o mjesnim vodovodima u sali Gradskog vijeća.
- Prisustvo obukama za pisanje projekata (19. januar) i primjenama informaciono-komunikacijskih tehnologija (avgust), te trodnevnoj konferenciji u Neumu na temu „Jačanje uloge MZ u BiH“, na kojima su učestvovali predstavnici mjesnih zajednica Briznik, Donje Babino, Stranjani, Janjići, Gorica, a sve u organizaciji UNDP (oktobar).
- Izrada plana potreba MZ za 2023. godinu, sa utvrđenim prioritetima.

Ostale aktivnosti MZ u ruralnim područjima odnosile su se u najvećoj mjeri na rješavanje pitanja iz oblasti rekonstrukcije i izgradnja putne mreže, izgradnja i rekonstrukcija lokalnih vodovoda i kanalizacione mreže, postavljanje i rekonstrukcija javne rasvjete, regulacija i čišćenje korita rijeka i potoka, rješavanje problema divljih deponija, organizovanog odvoza otpada, izgradnja igrališta, uvođenje autobusnih linija i postavljanje autobusnih stajališta, angažman i aktivnosti u vezi sa rješavanjem problema komunalne infrastrukture, kao i socijalnih pitanja (akcije pomoći građanima u stanju socijalne potrebe).

U urbanom području aktivnosti su bile usmjerene u pravcu zahtjeva za rješavanje komunalno-ekoloških problema, potkresavanje rastinja, rješavanje parkinga, odlagališta otpada, izgradnje dječijih igrališta, uređenja pješačkih staza, kao i socijalnih pitanja, odnosno organizacije pružanja pomoći socijalnim kategorijama stanovništva.

Na osnovu praćenja rezultata rada mjesnih zajednica u izvještajnom periodu, može se konstatovati da se određen broj MZ isticao po svojim aktivnostima i angažmanom predsjednika, odnosno članova savjeta. To su bile sljedeće MZ: Gornja Gračanica, Gornja Zenica, Lokvine, Centar, Orahovica, Gradišće, Drivuša, Topčić Polje, Janjići, Bistrica. Također se mora napomenuti i aktivan rad 5 mjesnih zajednica koje su učesnice u drugoj fazi projekta "Jačanje uloge MZ u BiH" koji provodi organizacija UNDP, a to su: Briznik, Donje Babino, Gorica, Janjići, Stranjani. Potrebno je istaći da se radom i angažmanom članova savjeta, predsjednika, ali i aktivizmom mještana, posebno ističu MZ Gornja Zenica, Lašva, Topčić Polje, u kojoj su pokrenute aktivnosti formiranja udruženja žena, mladih, a uz navedeno MZ Putovići-Putovičko Polje i Janjići, je sprovodila akcije više uređenja i opremanja prostorija donatorskim sredstvima međunarodne organizacije na osnovu aplikacije udruženja koje djeluje u MZ.

Od 31 MZ koje predstavljaju povjerenici posebno se ističu MZ Jalija, u kojoj je povjerenica pokrenula aktivnosti ažuriranja socijalne karte, pružila podršku radu udruženja uz usaglašen protokol o saradnji MZ Jalija i udruženja žena „Jalija“, te apliciranje na projekat "Lokalne fondacije Zenica" i implementacija istog, dok su na inicijativu povjerenika MZ G. Crkvice organizovane aktivnosti čišćenja i uređenje prostorija društvenog doma, javnih površina i puteva i izletišta Smetovi u saradnji sa UG „Željezara“, te u MZ "Drivuša" u kojima je pokrenuto dosta aktivnosti na polju uređenja i iznalaženja rješenja da donatorskim sredstvima opreme prostorije društvenog doma, a pokrenute su i aktivnosti formiranja udruženja žena i aktivnosti omladine.

U protekloj godini predstavnici MZ Nemila, Topčić Polje, Koprivna, Vranduk, Gladovići, Donja Vraca i Donja Gračanica održali su sastanke sa predstavnicima Gradske uprave, predstavnicima Autocesta FBiH i izvođačima radova na projektu izgradnje trase koridora koji prolazi kroz navedene MZ, s ciljem provođenja i ispunjenja obaveza proisteklih iz Sporazuma o prijateljskom okruženju.

U ovom izvještajnom periodu, također su nastavljene aktivnosti u sklopu druge faze projekta „Jačanje uloge MZ u BiH“ koji predstavlja zajednički projekat Vlada Švicarske i Švedske, a sprovodi ga Razvojni program Ujedinjenih nacija (UNDP) u saradnji sa Gradom Zenica. Grad Zenica u ovoj fazi projekta učestvuje s pet MZ: Briznik, Donje Babino, Gorica, Janjići, Starina.

U 2022. godini mjesne zajednice uključene u navedeni projekat kandidovale su projekte koji su i odobreni od strane UNDP, i isti su realizovani do kraja godine.

To su sljedeći projekti po MZ:

1. MZ "Briznik" –“Presvlačenje betonskog puta asfaltom od džamije do Vrdila”, u dužini od 335m.
2. MZ "Donje Babino" –“Sanacija Zelenog mosta i asfaltiranje betonskog puta na dionici džamija – Zeleni most – Perina kuća” u MZ “Donje Babino” - saniranje Zelenog mosta i asfaltiranje dijela ulice u dužini od 338 metara,
3. MZ "Janjići" – „Sanacija i asfaltiranje dva kraka betonskih puteva u ulicama Busovačka i Bosanskih kraljeva“ u MZ „Janjići“, sanacija i asfaltiranje dvije dionice betonskih puteva u dužini od 320 m.
4. MZ "Stranjani" – „Sanacija i asfaltiranje makadamske dionice puta u naselju Zdrinje“, sanacija i izgradnja 290 m u MZ.
5. MZ "Gorica" - „Postavljanje sistema grijanja u Društvenom domu u MZ „Gorica“- uvođenje i instalacija grijanja u društvenom domu.

Ukupna vrijednost projekata iznosila je 203.302,65, od čega je organizacija UNDP snosila (30% troškova) 50.036,61 KM (bez pdv-a), Grad Zenica (70% troškova) 155.045,94 KM (bez PDV-a).

Forumi građana su održani u mjesnim zajednicama koje su u okviru ovog projekta, kako bi na transparentan način učešće u odlučivanju uzeli svi mještani navedenih mjesnih zajednica, i time odredili prioritete u svojim mjesnim zajednicama.

#### **IV – Zaključna razmatranja**

S obzirom da su u 2022. godini novoizabrani članovi savjeta MZ, a imajući u vidu ulogu i značaj mjesnih zajednica kao i činjenicu da preko organa mjesnih zajednica građani učestvuju u poboljšanju uslova života u mjesnom području u kojem žive, smatramo da treba stimulisati članove savjeta na aktivniji rad u smislu razvijanja odgovornosti za poboljšanje stanja u svom mjesnom području, te vršiti stalnu edukaciju članova savjeta.

U cilju postizanja aktivnijeg rada, savjeti MZ predlažu veću saradnju sa službama gradske uprave, a u smislu većeg stepena uvažavanja mišljenja i sugestija savjeta od strane gradske uprave, veća ulaganja u mjesne zajednice, stimulaciju članova savjeta, te uvažavanje prijedloga u vezi sa organizacijom rada i načinom izbora članova savjeta

Rezultati istraživanja o MZ u Bosni i Hercegovini (sprovedeni u određenom broju jedinica lokalne samouprave) pokazuju da su problemi sa kojima se susreću MZ u funkcionisanju na čitavoj teritoriji BiH uglavnom isti i da jedinice lokalne samouprave imaju još mnogo posla u pravcu edukacije i animiranja građana u MZ za aktivniji pristup, povećanje zainteresovanosti za procese donošenja odluka na lokalnom nivou i za jačanje volonterskog rada.

Ugradnjom odredbe o forumima građana u statute mjesnih zajednica stvoren je pravni okvir za učešće građana svih kategorija u odlučivanju o poslovima iz nadležnosti MZ.

U cilju postizanja efikasnijeg rada MZ smatramo da je potrebno:

- stalno raditi na podizanju svijesti kod građana (putem medija, edukacijom, instrukcijama nadležnih službi) o tome da poboljšanje uslova života podrazumijeva i održavanje i čuvanje postignutog, domaćinski odnos prema zajedničkom koje služi svima. Ovdje se posebno misli na odnos prema objektima domova, prostorija, inventaru u njima, okolišu. Čuvanjem imovine i uštedama ostaju sredstva za poboljšanje i unaprjeđenje;

- poticati savjete MZ za prijavljivanje na javne pozive kojima mogu osigurati finansiranje aktivnosti za mlade, žene, djecu imarginalizirane grupe stanovništva MZ, te savjete MZ,

- promovisati potrebu stalne edukacije građana, odnosno aktivista – volontera u MZ u saradnji i uz pomoć NVO sektora, odnosno udruženja građana koja vode društveno korisne aktivnosti na principima volonterskog rada.

Jedan od ciljeva projekta „Jačanje uloge MZ u BiH“ je i izrada nove vizije, čime je usvajanjem iste na sjednici Gradskog vijeća, održane 03.11.2022.godine, omogućeno da se u skladu sa opisanim modelima u Viziji pristupi izradi Operativnog plana implementacije Vizije razvoja mjesnih zajednica u Gradu Zenica, a za period 2023-2025. Nova vizija podrazumijeva mjesnu zajednicu usmjerenu prema građanima, zasnovanu na povjerenju građana i zajednicu koja predstavlja sponu između građana i lokalne vlasti, te omogućava povezivanje građana, NVO, javne uprave i javnih preduzeća i institucija. Novi model MZ se ogleda kroz 4 (četiri) funkcije mjesne zajednice, a to su:

- Mjesna zajednica kao prostor za zagovaranje i pristup upravi (MZ kao dio sistema lokalne samouprave),
- Mjesna zajednica kao mjesto za pružanje usluga stanovništvu,
- Mjesna zajednica kao prostor za učešće građana u odlučivanju,
- Mjesna zajednica kao društveni centar.

Pregled provedenih aktivnosti u radu mjesnih zajednica na području Grada Zenica, za period 01.01.2022-31.12.2022. godine, sačinjen je u vidu tabelarnog pregleda koji je sastavni dio ovog izvještaja.

Broj: 09- 19-10748-1/23  
Zenica, 17.05.2023. godine



| Naziv aktivnosti                | Realizacija                                                                                                                                                                                                                                                                                                                                                                                                                                                                                                                                                                                                                                                                                                                                                            |
|---------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>Putna infrastruktura</b>     | <ul style="list-style-type: none"> <li>- Asfaltirano je 29 dionica puteva</li> <li>- Rekonstruisano je 11 ulica</li> <li>- Izgradnja dva potporna zida</li> <li>- Sanirano i betonirano 17 puteva</li> <li>- Rekonstrukcija parkinga</li> <li>- Proširenje mosta kod društvenog doma u MZ Orahovica</li> <li>- Izgradnja prilaznih mostova u dvije MZ</li> </ul>                                                                                                                                                                                                                                                                                                                                                                                                       |
| <b>Vodoprivreda</b>             | <ul style="list-style-type: none"> <li>- Pokrenuto 6 projekata na izgradnji kanalizacione mreže</li> <li>- Izrada projekta vodovoda Grkavac, MZ Bistrica</li> <li>- Sanacija kanalizacije na području tri mjesne zajednice</li> <li>- Postavljanje cijevi za oborinske vode u pet MZ</li> <li>- Rekonstrukcija vodovodne mreže za Društveni dom u MZ G Crkvice i postavljanje vodovodnih cijevi u dvije MZ</li> <li>- Ukorićenje potoka u MZ Koprivna, Topčić Polje, Sebuje,</li> <li>- Priključak na gradsku vodu za naselja u MZ Putovići-Putovičko Polje, Lokvine, Podbrežje</li> <li>- MZ Nemila u saradnji sa investitorom JP Autoceste FBiH održali su prezentaciju projekta obalo-utvrde rijeke Bosna 14.12.2023. godine u društvenom domu „Nemila“.</li> </ul> |
| <b>Komunalna infrastruktura</b> | <ul style="list-style-type: none"> <li>- Postavljanje rasvjetnih tijela i proširenje postavljanja rasvjetnih tijela u svim MZ na području Grada Zenica, gradske i ruralne.</li> <li>- Izgrađena igrališta u MZ Koprivna, Blatuša, Lokvine i Arnauti</li> <li>- Izgradnja autobuskih stajališta u nekoliko MZ</li> <li>- Završena podjela kanti u nekoliko MZ i izmjena kanti za otpad kantama većeg kapaciteta</li> <li>- Postavljanje autobuskih nadstrešnica u nekoliko MZ</li> </ul>                                                                                                                                                                                                                                                                                |

|                                   |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
|-----------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>Humanitarne akcije</b>         | <p>U nekoliko MZ održane su humanitarne akcije mještana, za pomoć socijalnim kategorijama stanovništva, zatim pomoći za odlazak na liječenje i drugi vidova pomoći, i to u MZ Šerići, Starina, Jastrebac, Pepelari, Topčić Polje, Stranjani, Orahovica, Janjac, Čajdraš-Vjetrenice, Gradišće, Varda. Zatim, u MZ Donje Babino organizovana je podjela sjemenskih i prehrambenih paketa u saradnji sa udruženjem „Budi dio hajra“, podjela humanitarnih paketa u MZ Putovići-Putovičko Polje,</p> <p>Pokrenuta je akcija izgradnje stambenog objekta, u saradnji sa mještanima i donatorima u MZ Vrselje.</p> <p>Humanitarna akcija za prikupljanje novčanih sredstava za liječenje</p> <ul style="list-style-type: none"> <li>- Podjela paketića za djecu, paketa za penzionere i ugrožene građane</li> </ul>                                                                                                                                                                                                                                                                                                                                                                                                                                                                                                                                                                                                                                                                                                                                           |
| <b>Akcije čišćenja i sanacija</b> | <ul style="list-style-type: none"> <li>- osamnaest mjesnih zajednica organizovale su akcije čišćenja, koje su se odnosile na čišćenje prostorija MZ, prostora oko društvenih domova, prilaza i sl.</li> <li>- Izvršena akcija potkresavanja niskog rastinja na lokaciji Mala Broda (akcija mještana)</li> <li>- Akcija čišćenja kaptaža za vodovod (akcija mještana)</li> <li>- MZ „Gornje Crkvice“ je u saradnji sa planinarskim udruženjem „Željezara“ organizovala čišćenje i odvoz smeća sa izletišta Smetovi</li> <li>- Akcija mještana u uklanjanju i čišćenju napuštenih i otkupljenih kuća u MZ Koprivna,</li> <li>- Krčenje puta Gradišće-Strnokosi, akcija mještana MZ Gradišće</li> <li>- Krčenje puta Hinovići-Izvorište Džomba, akcija mještana MZ Gradišće</li> <li>- Krčenje puta Gradišće – Lisac, Zapoda – Borovi, ulici Maglajska, ulici Ravne, akcija MZ Gradišće</li> <li>- Čišćenje bazena vodovoda Orlove stijene MZ Čajdraš-Vjetrenice</li> <li>- Organizovano je i izvršeno čišćenje divljih deponija u MZ Čajdraš Vjetrenice, Topčić Polje, Pepelari, Gradišće</li> <li>- Čišćenje mosta i rigola kod naselja Lađice MZ Čajdraš-Vjetrenice</li> <li>- Akcije mještana za ugradnju cijevi i betona u iznosu od 2.500,00KM u MZ Čajdraš-Vjetrenice</li> <li>- Čišćenje puta prema planini u MZ Vukotići i MZ Starina,</li> <li>- Betoniranje puteva prema planini, akcija mještana</li> <li>- Ravnanje i uređenje puteva u MZ Putovići-Putovičko Polje</li> <li>- Akcija čišćenja kampa u MZ Putovići-Putovičko Polje</li> </ul> |



|                                           |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |
|-------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|                                           | <ul style="list-style-type: none"> <li>- Organizovana akcija čišćenja korita Orahovičke rijeke od Nemile do Babića, MZ Orahovica</li> <li>- Ravnanje puta u MZ Orahovica i izgradnja planinskog puta</li> <li>- Čišćenje korita za oborinske vode u MZ Tišina</li> <li>- Uređenje fekalne kanalizacije u MZ Šerići, akcija i sredstva mještana</li> <li>- Izgradnja potpornog zida u Kolonijama, Lašva,</li> <li>- Čišćenje i ucjevljenje kanalizacije oko društvenog doma, akcija mještana Stranjani</li> <li>-</li> </ul>                                                                                                                                                                                                                                                                                                                                                                                                                                                                                                                                                                                                                                                                                                                                                   |
| <b>Adaptacije i sanacije domova</b>       | <ul style="list-style-type: none"> <li>- Kompletna adaptacija društvenog doma Drivuša</li> <li>- Adaptacija i potpuno uređenje društvenog doma Gorica</li> <li>- Zamjena ulaznih vrata na prostorijama MZ Jastrebac</li> <li>- Izvršena zamjena stolarije u prostorijama MZ Seoci,</li> <li>- Adaptacija prostorija u društvenom domu u MZ Gornja Zenica</li> <li>- Završetak izgradnje društvenog doma u MZ Lukovo Polje</li> </ul>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                          |
| <b>Druge aktivnosti organizovane u MZ</b> | <ul style="list-style-type: none"> <li>- Izvršen popis socijalnih kategorija stanovništva u MZ Čajdraš-Vjetrenice,</li> <li>- Obilježavanje parking prostora privatnim donacijama u iznosu od 50.000,00KM</li> <li>- Ažuriranja socijalne karte u MZ Jaliya,</li> <li>- Usaglašen protokol o saradnji MZ Jaliya i udruženja žena Jaliya,</li> <li>- Apliciranje na projekat Lokalne fondacije Zenica, implementacija u toku, MZ Jaliya</li> <li>- Donatorskim sredstvima privrednika koji gravitiraju u MZ Drivuša opremljene prostorije Društvenog doma</li> <li>- Pokretanje aktivnosti udruženja žena (MZ Drivuša, Lašva)</li> <li>- Pokretanje aktivnosti omladine MZ Drivuša</li> <li>- Aktivnosti vezane za lociranje prostorija za skloništa na teritoriji MZ – na zahtjev Službe za CZ</li> <li>- Polaganje cvijeća na spomen obilježju civilnim žrtvama rata u ul. Derviša Imamovića, MZ Crkvice,</li> <li>- Izgrađen potoporni zid sredstvima mještana, MZ Donja Vraca</li> <li>- Organizovanje predavanja za žene-Karcinom dojke, MZ Topčić Polje</li> <li>- Izgradnja potpornog zida i sanacija klizišta na groblju Jagodići, MZ Stranjani-akcija mještana</li> <li>- Postavljanje zaštitne ograde na igralištu kod groblja, akcija mještana Stranjani</li> </ul> |

|  |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |
|--|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|  | <ul style="list-style-type: none"> <li>- Ucjeljenje fekalne kanalizacije u dvorištu škole, akcija mještana</li> <li>- Popravke na sekundarnoj vodovodnoj mreži i šahtovima,</li> <li>- Zamjena ulaznih vrata, te nabavka namještaja akcijom mještana i donacijom, MZ Puhovac,</li> <li>- Postavljanje video nadzora na Društvenom domu u MZ Topčić Polje</li> <li>- Izgradnja dječijeg igrališta donacijom iz Belgije, od organizacije Beaflower iz Belgije, u MZ Putovići-Putovičko Polje</li> <li>- Postavljanje stolova i stolica u sklopu projekta Omladinske banke u MZ Putovići-Putovičko Polje</li> <li>- Osnivanje udruženja žena u MZ Putovići-P. Polje</li> <li>- Izrada šadrvana i javne česme u MZ Putovići-Putovičko Polje</li> <li>- Organizovanje sportskih takmičenja za mlade, MZ Orahovica</li> <li>- Uređenje spomen obilježja šehidima i obilježavanje dana šehida, MZ Donje Babino</li> <li>- Renoviranje šehidske česme u MZ Topčić Polje</li> <li>- U saradnji sa udruženjem Most-bro Danska, opremljen društveni dom u MZ Janjići,</li> <li>- Obilježavanje Dana šehida u MZ Janjići</li> <li>- Pokretanje aktivnosti za osnivanje udruženja žena, MZ Tišina</li> </ul> |
|--|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

Šef odsjeka za poslove mjesnih zajednica

Rešid Hadžić

Zenica, 17.05.2023. godine